



# SLUŽBENI GLASNIK OPĆINE JABLANICA

broj 4/2025.







**S A D R Ź A J**  
**SLUŽBENOG GLASNIKA OPĆINE JABLANICA**  
**BROJ: 4/2025**

Red. br.	N A Z I V A K T A	Strana
1.	Odluka o raspisivanju javnog poziva za zakup poljoprivrednog zemljišta u državnom vlasništvu na području Općine Jablanica	5
2.	Odluka o raspodjeli sredstava „Transfer za mlade“ iz Budžeta – Proračuna Općine Jablanica za 2025. godine	7
3.	Odluka o raspisivanju oglasa za izbor i imenovanje predsjednika i članova školskog i upravnih odbora javnih ustanova kojima je osnivač Općina Jablanica	8
4.	Javni oglas za izbor i imenovanje predsjednika i članova školskog i upravnih odbora javnih ustanova kojima je osnivač Općina Jablanica	10
5.	Odluka o izmjeni Odluke o organizaciji i djelokrugu rada općinskog organa uprave općine Jablanica	12
6.	Odluka o izmjenama Odluke o prodaji i davanju u zakup poslovnih prostorija	13
7.	Zaključak o usvajanju Godišnjeg plana rada Općine za 2025. godinu	13
8.	Zaključak o usvajanju Programa Općinskog načelnika za mandatni period	14
9.	Zaključak o prihvatanju inicijative vijećnice Amire Mursel - Čilić	14
10.	Zaključak o usvajanju inicijative Udruženja privrednika Jablanica	15
11.	Zaključak o usvajanju Izvještaja Komisije za procjenu štete	15
12.	Zaključak – prethodna saglasnost za privremeno imenovanje u UO JU „Dom za stara i iznemogla lica” Jablanica	6
13.	Rješenje o privremenom imenovanju – UO JU „Dom za stara i iznemogla lica” Jablanica	17
14.	Odluka o odobrenju korištenja naziva Jablanica – 4.oktobar Jablanica	18
15.	Program prijema lica sa VSS bez radnog iskustva na stručno osposobljavanje bez zasnivanja radnog odnosa u općinskom organu uprave Općine Jablanica	18
16.	Odluka o uslovima i načinu prijema lica sa VSS bez radnog iskustva na stručno osposobljavanje bez zasnivanja radnog odnosa u općinskom organu uprave Općine Jablanica	20
17.	Rješenje o privremenom imenovanju predsjednika Školskog odbora JU OŠ „Suljo Čilić” Jablanica	22
18.	Rješenje o privremenom imenovanju predsjednika Upravnog odbora JU Dječije obdanište „Pčelica” Jablanica	22
19.	Zaključak – uplata sredstava JU OŠ „Suljo Čilić” Jablanica	23





Na osnovu člana 51. stav 2 Zakona o poljoprivrednom zemljištu Hercegovačko-neretvanskog kantona („Službene novine HNK“, broj 8/13 i 9/21) i člana 18. Statuta općine Jablanica („Službeni glasnik Općine Jablanica“, broj 2/09,8/16,2/20), Općinsko vijeće Jablanica na 6. sjednici održanoj dana 14.03.2025. godine, donosi

**ODLUKU**  
**O RASPISIVANJU JAVNOG POZIVA ZA ZAKUP POLJOPRIVREDNOG ZEMLJIŠTA U**  
**DRŽAVNOM VLASNIŠTVU NA PODRUČJU OPĆINE JABLANICA**

**I**

Raspisuje se Javni poziv za zakup poljoprivrednog zemljišta u vlasništvu države na području općine Jablanica koje je Programom gospodarenja poljoprivrednim zemljištem u državnom vlasništvu za područje općine Jablanica, („Službeni glasnik općine Jablanica“, broj 3/24), predviđeno za zakup.

**II**

Javni poziv će se provesti za davanje u zakup poljoprivrednog zemljišta u vlasništvu države na području općine Jablanica za sljedeće zemljište:

1. U K.O. Risovac zemljište označeno kao k.č. broj 406, ukupne površine 655 m<sup>2</sup>, upisano u PL 96,
2. U K.O. Risovac zemljište označeno kao k.č. broj 469, ukupne površine 2332 m<sup>2</sup>, upisano u PL 96,
3. U K.O. Risovac zemljište označeno kao k.č. broj 1736, ukupne površine 826 m<sup>2</sup>, upisano u PL 96,
4. U K.O. Risovac zemljište označeno kao k.č. broj 2032, ukupne površine 3079 m<sup>2</sup>, upisano u PL 96,
5. U K.O. Dobrigošće zemljište označeno kao k.č. broj 410, ukupne površine 1240 m<sup>2</sup> upisano u PL 65.
6. U K.O. Donja Jablanica zemljište označeno kao k.č. broj 1156, ukupne površine 798 m<sup>2</sup> upisano u PL 208
7. U K.O. Doljani zemljište označeno kao k.č. broj 1118, ukupne površine 3071 m<sup>2</sup> upisano u PL 76
8. U K.O. Doljani zemljište označeno kao k.č. broj 3298, ukupne površine 1837 m<sup>2</sup> upisano u PL 76
9. U K.O. Doljani zemljište označeno kao k.č. broj 1116, ukupne površine 912 m<sup>2</sup> upisano u PL 76
10. U K.O. Lug zemljište označeno kao k.č. broj 450, ukupne površine 709 m<sup>2</sup> upisano u PL 231
11. U K.O. Dragan selo zemljište označeno kao k.č. broj 2035, ukupne površine 1606 m<sup>2</sup> upisano u PL 354
12. U K.O. Mrakovo zemljište označeno kao k.č. broj 764/2, ukupne površine 3331 m<sup>2</sup> upisano u PL 53
13. U K.O. Mrakovo zemljište označeno kao k.č. broj 765/2, ukupne površine 1144 m<sup>2</sup> upisano u PL 53

**III**

Poljoprivredno zemljište iz tačke II ove Odluke pod rednim brojem 1. daje se u zakup na rok od 10 (deset) godina za proizvodnju povrća i žitarica.

Poljoprivredno zemljište iz tačke II ove Odluke pod rednim brojem 2. daje se u zakup na rok od 10 (deset) godina za proizvodnju ljekovitog bilja.

Poljoprivredno zemljište iz tačke II ove Odluke pod rednim brojem 3. daje se u zakup na rok od 10 (deset) godina za proizvodnju ljekovitog bilja.

Poljoprivredno zemljište iz tačke II ove Odluke pod rednim brojem 4. daje se u zakup na rok od 10 (deset) godina za proizvodnju povrća i žitarica.

Poljoprivredno zemljište iz tačke II ove Odluke pod rednim brojem 5. daje se u zakup na rok od 10 (deset) godina za proizvodnju ljekovitog bilja.

Poljoprivredno zemljište iz tačke II ove Odluke pod rednim brojem 6. daje se u zakup na rok od 10 (deset) godina za podizanje višegodišnjih nasada voća.

Poljoprivredno zemljište iz tačke II ove Odluke pod rednim brojem 7. daje se u zakup na rok od 10 (deset) godina za proizvodnju povrća.

Poljoprivredno zemljište iz tačke II ove Odluke pod rednim brojem 8. daje se u zakup na rok od 10 (deset) godina za podizanje višegodišnjih nasada voća.

Poljoprivredno zemljište iz tačke II ove Odluke pod rednim brojem 9. daje se u zakup na rok od 10 (deset) godina za podizanje višegodišnjih nasada voća

Poljoprivredno zemljište iz tačke II ove Odluke pod rednim brojem 10. daje se u zakup na rok od 10 (deset) godina za proizvodnju povrća.



Poljoprivredno zemljište iz tačke II ove Odluke pod rednim brojem 11. daje se u zakup na rok od 10 (deset) godina za proizvodnju povrća.

Poljoprivredno zemljište iz tačke II ove Odluke pod rednim brojem 12. daje se u zakup na rok od 10 (deset) godina za podizanje višegodišnjih nasada voća.

Poljoprivredno zemljište iz tačke II ove Odluke pod rednim brojem 13. daje se u zakup na rok od 10 (deset) godina za podizanje višegodišnjih nasada voća.

#### IV

Pravo učešća na ovom Javnom pozivu imaju sve pravne i fizičke osobe koje su upisane u Registar poljoprivrednih gazdinstava i klijenata u općini Jablanica.

#### V

Javni poziv će se provesti prikupljanjem pisanih prijava.

#### VI

Pravo prvenstva zakupa imaju fizičke i pravne osobe koje se jave na Javni poziv, a već su bili korisnici poljoprivrednog zemljišta u državnoj svojini, kao i korisnici koji imaju ugovore o korištenju poljoprivrednog zemljišta čija pravna valjanost nije potvrđena od strane nadležnog pravobranilaštva, a predmetno zemljište koriste za poljoprivrednu proizvodnju, ukoliko je Programom gospodarenja poljoprivrednim zemljištem u državnoj svojini predviđeno za davanje u zakup, odnosno osobe iz člana 71. stav 8. Zakona o poljoprivrednom zemljištu HNK (Službene novine HNK, broj 8/13 i 9/21).

U koliko se na Javni poziv ne prijave osobe na koje se odnosi predhodna odredba, red prvenstva zakupa se utvrđuje sljedećim redosljedom:

a) pravni sljedbenik bivšeg korisnika poljoprivrednog zemljišta u društvenom vlasništvu predmetnih čestica koje se daju pod zakup,

b) pravna ili fizička osoba koja je vlasnik sistema za navodnjavanje i odvodnju, ribnjaka ili drugih privrednih objekata koji se nalaze na poljoprivrednom zemljištu koje je predmet zakupa,

c) pravna osoba registrovana za bavljenje poljoprivrednom djelatnošću,

d) nositelj porodičnog poljoprivrednog gazdinstva koji ostvaruje prava iz radnog odnosa radom u poljoprivredi na vlastitom imanju i upisan je u Registar poljoprivrednih gazdinstava, a ima prebivalište na području jedinice lokalne samouprave na čijem teritoriju se nalazi zemljište čije ustupanje putem zakupa je predmet javnog poziva,

e) nositelj porodičnog poljoprivrednog gazdinstva koji ostvaruje prava iz radnog odnosa radom izvan poljoprivrednog gazdinstva, a poljoprivrednu djelatnost obavlja kao dopunsku djelatnost na vlastitom imanju i upisan je u Registar poljoprivrednih gazdinstava i ima prebivalište na području jedinice lokalne samouprave na čijem teritoriju se nalazi zemljište koje je predmet javnog poziva.

Ukoliko bodovanjem navedenih kriterija dva ili više ponuditelja dobiju isti broj bodova na istoj katastarskoj čestici pravo prvenstva ima ponuditelj koji ponudi najvišu cijenu.

#### VII

Početna cijena na Javnom pozivu za dugogodišnji zakup poljoprivrednog zemljišta utvrđuje se prema vrijednostima navedenim u članu 6. Pravilnika o uslovima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države ( Službene novine Federacije BiH, broj: 78/09), do stupanja na snagu Pravilnika o uslovima, načinu prikupljanja i raspodjele sredstava ostvarenih od korištenja poljoprivrednog zemljišta u Hercegovačko-neretvanskom kantonu i to za:

- Zemljište iz tačke II pod rednim brojem 1., 2., 3., 4., 5., 6., 7., 8., 9., 10., 11., 12. i 13. iznosi 100,00 KM po ha godišnje.

#### VIII

Ugovor o zakupu poljoprivrednog zemljišta, na osnovu provedenog Javnog poziva utvrđenog ovom Odlukom, kao i odluke Općinskog vijeća Jablanica o izboru najpovoljnije ponude, zaključit će sa najpovoljnijim ponuditeljem Općinski načelnik.

**IX**

Postupak po Javnom pozivu za zakup poljoprivrednog zemljišta provest će komisija koju će imenovati Općinski Načelnik.

**X**

Rok za podnošenje prijave na Javni poziv je 15 dana od dana objavljivanja Javnog poziva na oglasnoj ploči općine Jablanica, web stranici općine Jablanica.

O rezultatima Javnog poziva kandidati će biti obavješteni u roku od 8 dana od donošenja Odluke o odabiru najpovoljnije ponude.

**XI**

Ova Odluka stupa na snagu danom objavljivanja u „Službenom glasniku općine Jablanica“.

Federacija Bosne i Hercegovine  
Hercegovačko-neretvanski kanton

OPĆINA JABLANICA  
OPĆINSKO VIJEĆE

Broj: 02-02-723-3/25-6.  
Jablanica, 14.03.2025.g.

PREDSJEDAVALAČI OV-a  
mr.sc.Edin Idrizović s.r.

\*\*\*

Na osnovu člana 14. Zakona o mladima FBiH („Službene novine FBiH“, broj: 36/10), člana 18. Statuta Općine Jablanica („Službeni glasnik Općine Jablanica“, broj: 2/09, 8/16 i 2/20), člana 22. stav 4. Odluke o izvršenju Budžeta-Proračuna općine Jablanica za 2025. godinu („Službeni glasnik Općine Jablanica“, broj: 13/24), Općinsko vijeće na svojoj 6. sjednici, održanoj dana 14.03.2025. godine, ***donijelo je***

**ODLUKU****o raspodjeli sredstava iz stavke „Transfer za mlade“ Budžeta – Proračuna  
Općine Jablanica za 2025. godinu****Član 1.**

Ovom Odlukom utvrđuje se visina, namjena, način pravdanja kao i način raspodjele sredstava članicama Vijeća mladih općine Jablanica iz stavke „Transfer za mlade“ Budžeta općine Jablanica za 2025. godinu.

**Član 2.**

Vijeće mladih općine Jablanica dužno je prethodno sačiniti internu Odluku o raspodjeli sredstava iz stavke „Transfer za mlade“ Budžeta – Proračuna općine Jablanica za 2025. godinu u skladu sa odobrenim budžetskim sredstvima i Statutom Vijeća mladih općine Jablanica.

**Član 3.**

Sredstva iz prethodnog člana će se uplaćivati u akontativnim mjesečnim tranšama u tekućoj godini na račun Vijeća mladih općine Jablanica.

Na osnovu interne Odluku o raspodjeli sredstava iz stavke „Transfer za mlade“ Budžeta – Proračuna Općine Jablanica za 2025. godinu, odobravaju se sredstva organizacijama članicama Vijeća mladih općine Jablanica u ukupnom iznosu 20.000,00 KM i to:

R.br.	Naziv omladinskog udruženja	Jedinica	Broj mjeseci	UKUPNO
1.	Vijeće mladih općine Jablanica	Mjesec	12	7.085,32KM
2.	OKC „Urban Art“ Jablanica	Mjesec	12	3.772,20 KM
3.	Omladinska organizacija „Prenj“ Jablanica	Mjesec	12	308,80 KM



4.	Škola gitare „Galeb“	Mjesec	12	494,80 KM
5.	O.K. „Pod istim suncem“ Jablanica	Mjesec	12	8.338,88 KM
				20.000,00 KM

Predsjednik Vijeća mladih općine Jablanica zadužen je za pravovremeni bankovni transfer sredstava svakoj organizaciji prema planu troškova utvrđenih internom Odlukom.

#### Član 4.

Sredstva iz člana 3. ove Odluke obezbjeđena su u Budžetu – Proračunu Općine Jablanica za 2025. godinu na poziciji Tekući transferi neprofitnim organizacijama (analitika konta 614300) -Transfer za mlade.

#### Član 5.

Zadužuju se nadležne službe Općine Jablanica za praćenje i realizaciju transfera sredstava odobrenih za poziciju Transfer za mlade, a u skladu sa raspoloživim sredstvima u Budžetu – Proračunu Općine Jablanica za 2025. godinu.

Sredstva predviđena ovom Odlukom doznačavaju se Vijeću mladih uz obavezu da Predsjednik Vijeće mladih za svaki prethodni mjesec nadležnoj službenoj osobi zaduženoj za pitanja mladih dostavi dokaze o svim troškovima, zajedno sa kopijama računa za svaku stavku prema planu troškova iz interne odluke Odluke o raspodjeli sredstava Vijeća mladih broj: 01-02/25 od 14.02.2025. godine.

Općinska služba može vršiti usklađivanje iznosa sredstava u skladu sa izvještajem o pravdanju sredstava koji podnosi Predsjednik Vijeća mladih.

#### Član 6.

Vijeće mladih općine Jablanica se obavezuje da podnese finansijski izvještaj o ukupnom utrošku sredstava nadležnoj službi iz budžetske stavke Transfer za mlade za 2025. godinu.

#### Član 7.

Ova Odluka stupa na snagu danom objave u «Službenom glasniku Općine Jablanica».

Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj: 02-02-723-4/25-6.  
Jablanica, 14.03.2025.g.

PREDSJEDAVAJUĆI OV-a  
mr.sc.Edin Idrizović s.r.

\*\*\*

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 18. Statuta Općine Jablanica („Službeni glasnik Općine Jablanica“, broj: 2/09, 8/16 i 2/20) i člana 13. stav 5. tačka 1. Odluke o utvrđivanju standarda i kriterija za imenovanja na upražnjene pozicije u reguliranim organima Općine Jablanica („Službeni glasnik Općine Jablanica“, broj: 7/22), Općinsko vijeće Jablanica, na 6. sjednici održanoj dana 14.03.2025. godine, **donijelo je:**

### **ODLUKU O RASPISIVANJU OGLASA ZA IZBOR I IMENOVANJE PREDSJEDNIKA I ČLANOVA ŠKOLSKIH I UPRAVNIH ODBORA JAVNIH USTANOVA KOJIMA JE OSNIVAČ OPĆINA JABLANICA**





## Član 1.

Općinsko vijeće Općine Jablanica će objaviti Javni oglas za izbor i imenovanje predsjednika i članova školskih i upravnih odbora javnih ustanova kojima je osnivač Općina Jablanica, zbog isteka mandata sadašnjim članovima, i to:

**1. Školski odbor JU Srednja škola Jablanica** - dva (2) člana od kojih, jedan (1) predsjednik - predstavnik osnivača.

**2. Školski odbor JU Osnovna škola „Suljo Čilić“ Jablanica** - jedan (1) član - predsjednik - predstavnik osnivača.

**3. Upravni odbor JU Muzej «Bitka za ranjenike na Neretvi» Jablanica** - jedan (1) član - predstavnik stručnih radnika Ustanove.

**4. Upravni odbor JU dječije obdanište „Pčelica“ Jablanica** - jedan (1) član - predsjednik - predstavnik osnivača.

**5. Upravni odbor JU „Dom za stara i iznemogla lica“ Jablanica** –

a) tri (3) člana od kojih, jedan (1) predsjednik - predstavnik osnivača

b) jedan (1) član - predstavnik zaposlenika Ustanove.

Sastavni dio ove Odluke je tekst Javnog oglasa.

## Član 2.

Oglas će se objaviti u “Službenim novinama Federacije BiH”, u jednom dnevnom listu velikog tiraža, RTV Jablanica, službenoj web stranici Općine Jablanica i oglasnoj tabli Općine Jablanica.

Oglas za upražnjene pozicije sadrži:

- opis upražnjene pozicije, uključujući i pojedinosti o ulozi potencijalnog kandidata;
- opšte uslove koje je potrebno ispunjavati za tu poziciju iz člana 8. stav 2. tač. od a) do c) Zakona o ministarskim, vladinim i drugim imenovanjima Federacije BiH, odnosno opće uslove predviđene članom 8. Odluke o utvrđivanju standarda i kriterija za imenovanja na upražnjene pozicije u reguliranim organima Općine Jablanica („Službeni glasnik Općine Jablanica“, broj: 7/22)
- posebne uslove koje je potrebno ili poželjno ispunjavati za tu poziciju iz člana 7. stav 2 Zakona, a u vezi sa članom 9. Odluke o utvrđivanju standarda i kriterija za imenovanja na upražnjene pozicije u reguliranim organima Općine Jablanica („Službeni glasnik Općine Jablanica“, broj: 7/22)
- ako se za poziciju traži da se ispuni obrazac prijave, jasna uputstva kako se obrazac može dobiti;
- spisak potrebnih dokumenata, rok i mjesto za podnošenje prijave. Krajnji rok za podnošenje prijave ne smije biti kraći od 15 dana od dana objavljivanja oglasa o upražnjenosti poziciji u “Službenim novinama Federacije BiH”.

Oglas o upražnjenosti poziciji treba da bude dovoljno detaljan da bi kandidatima dao potpunu informaciju o ulozi koju treba vršiti u školskim i upravnim odborima, nadoknadi, uslovima i dužini trajanja imenovanja i mogućnosti ponovnog imenovanja.

U Javnom oglasu i prilikom provođenja Javnog oglasa moraju se poštovati principi iz člana 4. Odluke o utvrđivanju standarda i kriterija za imenovanja na upražnjene pozicije u reguliranim organima Općine Jablanica („Službeni glasnik Općine Jablanica“, broj: 7/22);

U slučaju ako se svakom kandidatu ne dostavlja pisana odbijenica u oglasu o upražnjenosti poziciji mora se jasno naglasiti da oni podnosioci prijave sa kojima se ne stupi u kontakt u određenom roku, a nakon roka za podnošenje prijave neće biti uzeti u razmatranje u daljem procesu imenovanja.

Obavezno se čuva sva evidencija vezana za oglašavanje upražnjenosti mjesta.

## Član 3.

Za sprovođenje postupka izbora imenovana predsjednika i članova školskog i upravnih odbora javnih ustanova kojima je osnivač Općina Jablanica po javnom oglasu iz člana 1. imenovana je Komisija za sprovođenje postupka u slijedećem sastavu:

- Amira Nuhić, predsjednik
- Alma Bajramović, član
- Haris Kurić, član
- Bruno Šitum, član
- Majra Dautbegović Šćuk, član



Komisija za izbor zadužena je da u skladu sa Zakonom o ministarskim, vladinim i drugim imenovanjima Federacije BiH i Odlukom o utvrđivanju standarda i kriterija za imenovanja na upražnjene pozicije u reguliranim organima Općine Jablanica izvrši pregled prijava kandidata i utvrdi njihovu formalno-pravnu ispravnost, sastavi listu pitanja za intervju, provodi intervju sa kandidatima koji ispunjavaju uslove konkursa poštujući načela iz člana 4. Odluke o utvrđivanju standarda i kriterija za imenovanja na upražnjene pozicije u reguliranim organima Općine Jablanica, sastavi listu sa užit izborom najboljih kandidata koji ispunjavaju kriterije za imenovanje i predloži rang listu putem pisane preporuke na daljnje razmatranje.

#### Član 4.

Ova Odluka stupa na snagu danom objavljivanja u „Službenom glasniku općine Jablanica“.

Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj: 02-02-723-5/25-6.  
Jablanica, 14.03.2025.g.

PREDSJEDAVAJUĆI OV-a  
mr.sc.Edin Idrizović s.r.

\*\*\*

Na osnovu člana 8. Zakona o ministarskim, vladinim i drugim imenovanjima Federacije BiH („Službene novine FBiH“, broj: 12/03, 34/03 i 65/13), člana 11. Odluke Odluke o utvrđivanju standarda i kriterija za imenovanja na upražnjene pozicije u reguliranim organima Općine Jablanica („Službeni glasnik Općine Jablanica“, broj: 7/22), a shodno Odluci o raspisivanju oglasa za izbor i imenovanje predsjednika i članova školskih i upravnih odbora javnih ustanova kojima je osnivač Općina Jablanica, Općinsko vijeće Jablanica, **o b j a v l j u j e**

### JAVNI OGLAS

**za izbor i imenovanje predsjednika i članova školskih i upravnih odbora javnih ustanova kojima je osnivač Općina Jablanica**

#### I

Objavljuje se Javni oglas za izbor i imenovanje na poziciju predsjednika i članova školskih i upravnih odbora javnih ustanova kojima je osnivač Općina Jablanica i to:

- 1. Školski odbor JU Srednja škola Jablanica** - dva (2) člana od kojih, jedan (1) predsjednik - predstavnik osnivača.
  - 2. Školski odbor JU Osnovna škola „Suljo Čilić“ Jablanica** - jedan (1) član - predsjednik - predstavnik osnivača.
  - 3. Upravni odbor JU Muzej «Bitka za ranjenike na Neretvi» Jablanica** - jedan (1) član - predstavnik stručnih radnika Ustanove.
  - 4. Upravni odbor JU dječije obdanište „Pčelica“ Jablanica** - jedan (1) član - predsjednik - predstavnik osnivača.
  - 5. Upravni odbor JU „Dom za stara i iznemogla lica“ Jablanica** –
    - a) tri (3) člana od kojih, jedan (1) predsjednik - predstavnik osnivača
    - b) jedan (1) član - predstavnik zaposlenika Ustanove.
- U prijavi kandidati su dužni naznačiti na koju poziciju se prijavljuju.**

#### II

##### I OPIS POZICIJA

##### ŠKOLSKIH ODBORA pod 1. i pod 2.

Donosi Statut, te godišnji plan i program rada i prati njegovo ostvarivanje; daje direktoru smjernice i prijedloge o pitanjima od interesa za poboljšanje rada škole; raspisuje konkurs za izbor direktora i prijem ostalih radnika; na prijedlog direktora i drugih organa donosi odluku o zasnivanju i prestanku radnog odnosa radnika



škole; rješava o upravnoj stvari iz svog djelokruga kao provostepeni i drugostepeni organ; razmatra i rješava žalbe učenika, nastavnika i drugih radnika škole, te roditelja, kao drugostepeni organ; razmatra primjedbe i prijedloge građana o pitanjima od interesa za rad škole; obavlja i druge poslove u skladu sa zakonom, aktom o osnivanju i Statutom ustanove.

#### **UPRAVNIH ODBORA pod 3., 4. i 5.**

Donosi pravila ustanove; imenuje, razrješava, usmjerava, kontroliše i ocjenjuje direktora; utvrđuje planove rada i razvoja; utvrđuje godišnji program rada; donosi finansijski plan i usvaja godišnji obračun; donosi opšte akte, u skladu sa zakonom i pravilima ustanove; odlučuje o pitanjima obavljanja djelatnosti radi kojih je ustanova osnovana; rješava pitanja odnosa sa osnivačem; odlučuje o korištenju sredstava; odgovara osnivaču za rezultate rada ustanove; odlučuje o prigovoru radnika na rješenje kojim je drugi organ određen pravilima ustanove odlučio o pravu, obavezi i odgovornosti radnika iz radnog odnosa; podnosi osnivaču najmanje jedanput godišnje izvještaj o poslovanju ustanove; odlučuje o zasnivanju i prestanku radnog odnosa u skladu sa pravilima ustanove; vrši i druge poslove u skladu sa zakonom i pravilima ustanove.

### III

Članovi Školskih i Upravnih odbora imenuju se na period od 4 (četiri) godine, uz mogućnost ponovnog izbora.

Naknada za rad utvrđuje se posebnom odlukom.

### IV

Kandidati koji apliciraju na poziciju članova školskih i upravnih odbora iz tačke I ovog Javnog oglasa moraju ispunjavati opće i posebne uslove.

Opći uslovi za imenovanje kandidata su:

- a) da su državljani Bosne i Hercegovine,
- b) da su stariji od 18 godina,
- c) da nije otpušten iz državne službe kao rezultat disciplinske mjere bilo na kojem nivou BiH, u periodu od tri godine prije objavljivanja upražnjene pozicije,
- d) da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava BiH),
- e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH,
- f) da nema privatni/finansijski interes u Javnoj ustanovi u kojoj se kandiduje,
- g) da nije osuđivan za krivično djelo,
- h) da se ne vodi krivični postupak.

Dokaze iz tačke g) i tačke h) izabrani kandidati dostavljaju nakon konačnog imenovanja.

**Posebni uslovi** za imenovanje kandidata su:

- a) da imaju višu ili visoku stručnu spremu prvog, drugog ili trećeg ciklusa Bolonjskog sistema studiranja sa (najmanje 180 ECTS bodova),
- b) najmanje 3 (tri) godine radnog iskustva nakon sticanja više ili visoke stručne spreme,
- c) da nije predsjednik ili član nijednog drugog nadzornog, upravnog ili školskog odbora niti je član ili zaposlenik organa koji vrši direktan nadzor nad radom reguliranog organa;
- d) da posjeduje stručno znanje iz oblasti rada i organizacije javnih ustanova, kao i sposobnost tumačenja propisa iz oblasti za koju je reguliran organ osnovan,
- e) komunikacijske i organizacijske sposobnosti,
- f) sposobnost tumačenja propisa iz oblasti za koju je regulirani organ osnovan,
- g) sposobnost upravljanja finansijskim i ljudskim resursima.

Dokumenti kojima se dokazuje ispunjavanje kriterija moraju biti u originalu ili ovjerenjima kopiji.

**Napomena:** Lični podaci o kandidatima su tajni i mogu se prikupljati i obrađivati samo u skladu sa odredbama Zakona o zaštiti ličnih podataka BiH („Službeni glasnik BiH“, broj: 49/06, 76/11 i 89/11).



## V

**Podnošenje prijava**

Uz prijavu na Javni oglas, kandidati su dužni priložiti kraću biografiju, izvod iz matične knjige rođenih, uvjerenje o državljanstvu, diplomu o stečenoj stručnoj spremi i uvjerenje o radnom iskustvu, obrazac - Izjavu o bilo kojem pitanju iz tačke IV Oglasa koje predstavlja smetnju ili bi moglo dovesti do sukoba interesa u slučaju da dođe do njegovog imenovanja, ovjerenog potpisa od nadležnog organa. Prijavni obrazac i obrazac izjave se nalazi na Info pultu Šalter sale Općine Jablanica i službenoj web stranici općine [www.jablanica.ba](http://www.jablanica.ba).

Svakom kandidatu koji je dostavio neblagovremene i nepotpune prijave i koji ne ispunjava opće i posebne kriterije, dostavlja se pisana odbijenica i isti neće biti uzet u razmatranje u daljem procesu imenovanja.

Svi kandidati koji budu stavljeni na listu za uži izbor pozvat će se pisanim putem na intervju. Zainteresovana stranka može podnijeti prigovor na konačno imenovanje ako vjeruje da u procesu izbora/ imenovanja nisu ispoštovana načela utvrđena Zakonom o ministarskim, vladinim i drugim imenovanjima Federacije BiH.

Prigovor se podnosi Općinskom vijeću, a kopija se dostavlja Ombudsmenu za ljudska prava Bosne i Hercegovine.

Javni oglas ostaje otvoren 15 (petnaest) dana od dana objave u „Službenim novinama Federacije BiH“, a isti će se objaviti i u dnevnom listu „Oslobođenje“, RTV Jablanica i službenoj web stranici Općine Jablanica i oglasnoj ploči Općine Jablanica.

Prijave na propisanom obrascu sa traženim dokumentima treba dostaviti lično na protokol Općine Jablanica ili preporučeno poštom na adresu:

OPĆINA JABLANICA

OPĆINSKO VIJEĆE

Pere Bilića br. 15.

„Prijava na Javni oglas za izbor i imenovanje na poziciju predsjednika i članova školskih i upravnih odbora javnih ustanova kojima je osnivač Općina Jablanica  
„NE OTVARATI“

Federacija Bosne i Hercegovine  
Hercegovačko-neretvanski kanton

OPĆINA JABLANICA

OPĆINSKO VIJEĆE

Broj: 02-02-723-5-jav.ogl./25-6.

Jablanica, 14.03.2025.g.

PREDSJEDAJUĆI OV-a

mr.sc.Edin Idrizović s.r.

\*\*\*

Na osnovu člana 49. Zakona o organizaciji organa uprave u Federaciji BiH („Službene novine FBiH“, broj: 35/05), člana 27. Zakona o lokalnoj samoupravi („Službene novine HNK“, broj: 4/2000), člana 32. i 160. Zakona o organizaciji uprave u Hercegovačko-neretvanskom kantonu („Službene novine HNK“ broj: 9/09) i člana 45. Statuta Općine Jablanica („Službeni glasnik Općine Jablanica“, broj: 2/09, 8/16 i 2/20), Općinsko vijeće Jablanica na 6. sjednici održanoj dana 14.03.2025. godine, donijelo je:

**ODLUKU****O IZMJENI ODLUKE O ORGANIZACIJI I DJELOKRUGU RADA  
OPĆINSKOG ORGANA UPRAVE OPĆINE JABLANICA****Član 1.**

Član 12. Odluke o organizaciji i djelokrugu rada općinskog organa uprave općine Jablanica („Službeni glasnik Općine Jablanica“, broj: 2/14), mijenja se i sada glasi:

„Službe za upravu iz prethodnog člana, zajedno sa Općinskim načelnikom čine jedinstven Općinski organ uprave općine Jablanica, čija se unutrašnja organizacija utvrđuje Pravilnikom o unutrašnjoj organizaciji općinskih službi za upravu i drugih službi u općini Jablanica, koji donosi Općinski načelnik, uz saglasnost Općinskog vijeća.“

**Član 6.**

Ova Odluka stupa na snagu danom donošenja, a objaviti će se u „Službenom glasniku općine Jablanica“.

Federacija Bosne i Hercegovine  
Hercegovačko-neretvanski kanton

OPĆINA JABLANICA

OPĆINSKO VIJEĆE

Broj: 02-02-723-6/25-6.

Jablanica, 14.03.2025.g.

PREDSJEDAVALAČI OV-a

mr.sc.Edin Idrizović s.r.

\*\*\*

Na osnovu člana 41. stav 1. tačka 2. i 9. , u vezi sa članom 37.stav. 1. tačka 9. Zakona o lokalnoj samoupravi („Službene novine HNK“, broj 4/00) i člana 18. Statuta Općine Jablanice („Službeni glasnik Općine Jablanica“, broj: 2/09, 8/16, 2/20) Općinsko vijeće općine Jablanica, na redovnoj sjednici održanoj dana 14.03.2025. godine, d o n i j e l o j e

**ODLUKU****o izmjenama Odluke o prodaji i davanju u  
zakup poslovnih prostorija****Član 1.**

U Odluci o prodaji i davanju u zakup poslovnih prostorija („Službeni glasnik Općine Jablanica“, broj: 2/06, 2/07, 7/13, 1/17, 4/19, 2/21 i 3/23) članu 28. u stavu 1. iza riječi “Općinsko vijeće može na prijedlog Načelnika donijeti odluku o dodjeli na korištenje poslovnih prostorija“ brišu se riječi “bez naknade:“ i dodaju riječi “uz minimalnu zakupninu od 1 KM mjesečno:“.

**Član 2.**

U članu 29. u stavu 1. brišu se riječi “bez naknade:“ i dodaju riječi “uz minimalnu zakupninu od 1 KM mjesečno:“

**Član 3.**

U članu 38. stav 1. mijenja se i glasi:

Ugovor o zakupu poslovnih prostorija, kao i korištenju uz minimalnu zakupninu prestaje istekom vremena na koji je zaključen.

Ova Odluka stupa na snagu danom objavljivanja u „Službenom glasniku Općine Jablanica.“

Federacija Bosne i Hercegovine  
Hercegovačko-neretvanski kanton

OPĆINA JABLANICA

OPĆINSKO VIJEĆE

Broj: 02-02-723-7/25-6.

Jablanica, 14.03.2025.g.

PREDSJEDAVALAČI OV-a

mr.sc.Edin Idrizović s.r.

\*\*\*

Na osnovu člana 18. Statuta Općine Jablanica ( «Službeni glasnik općine Jablanica», broj: 2/09, 8/16 i 2/20), Općinsko vijeće općine Jablanica, na 6. sjednici održanoj dana 14.03.2025. godine, d o n i j e l o j e

**ZAKLJUČAK****I**

Usvaja se Godišnji plan rada Općine Jablanica za 2025. godinu.

**II**

Sastavni dio ovog Zaključka je Godišnji plan rada Općine Jablanica za 2025. godinu.

**III**

Ovaj Zaključak stupa na snagu danom donošenja, a objavit će se u «Službenom glasniku Općine Jablanica».

Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE

Broj: 02-02-723-1/25-6.  
Jablanica, 14.03.2025.g.

PREDSJEDAVAJUĆI OV-a  
mr.sc.Edin Idrizović s.r.

\*\*\*

Na osnovu člana 18. i 51. Statuta općine Jablanica («Službeni glasnik općine Jablanica», broj: 2/09, 8/16 i 2/20), Općinsko vijeće Općine Jablanica, na 6. sjednici održanoj dana 14.03.2025. godine, d o n o s i

**Z A K L J U Č A K****I**

Usvaja se Program rada Općinskog načelnika za mandatni period broj: 01-02-762/25 od 10.03.2025. godine

**II**

Sastavni dio ovog Zaključka je Program rada Općinskog načelnika za mandatni period broj: 01-02-762/25 od 10.03.2025.godine.

**III**

Ovaj Zaključak stupa na snagu danom donošenja, a objavit će se u «Službenom glasniku Općine Jablanica».

Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE

Broj: 02-02-723-2/25-6.  
Jablanica, 14.03.2025.g.

PREDSJEDAVAJUĆI OV-a  
mr.sc.Edin Idrizović s.r.

\*\*\*

Na osnovu člana 18. Statuta Općine Jablanica («Službeni glasnik općine Jablanica», broj: 2/09, 8/16 i 2/20), Općinsko vijeće općine Jablanica, na 6. sjednici održanoj dana 14.03.2025. godine, d o n i j e l o j e

**Z A K L J U Č A K****Član 1.**

Općinsko vijeće smatra prihvatljivom inicijativu vijećnice Amire Mursel-Čilić za uspostavu programa finansiranja ili sufinansiranja troškova za prekvalifikaciju odnosno dokvalifikaciju nezaposlenog kadra.

**Član 2.**

Zadužuje se Služba za opću upravu, društvene djelatnosti, boračko–invalidsku zaštitu, socijalnu zaštitu i zajedničke poslove da prema Programima formalnog obrazovanja odraslih u HNK-programi prekvalifikacije



i programi dokvalifikacije donesenim od strane Ministarstva obrazovanja, nauke, kulture i sporta HNK, u saradnji sa Službom za zapošljavanje HNK– Podružnica/Biro rada Jablanica izvrši analizu i potrebu finansiranja i sufinansiranja troškova za prekvalifikaciju odnosno dokvalifikaciju nezaposlenog kadra.

### Član 3.

Zavisno od izvršene analize iz člana 2. ovog Zaključka i ukazane potrebe Općinski načelnik će Općinskom vijeću na usvajanje dostaviti prijedlog Programa finansiranja ili sufinansiranja troškova za prekvalifikaciju odnosno dokvalifikaciju nezaposlenog kadra.

### Član 4.

Ovaj Zaključak stupa na snagu danom donošenja, a objavit će se u «Službenom glasniku Općine Jablanica».

Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE

Broj: 02-02-723-8/25-6.  
Jablanica, 14.03.2025.g.

PREDSJEDAVAJUĆI OV-a  
mr.sc.Edin Idrizović s.r.

\*\*\*

Na osnovu člana 18. Statuta Općine Jablanica ( «Službeni glasnik općine Jablanica», broj: 2/09, 8/16 i 2/20), Općinsko vijeće općine Jablanica, na 6. sjednici održanoj dana 14.03.2025. godine, d o n i j e l o j e

## ZAKLJUČAK

### I

Usvaja se inicijativa Udruženja privrednika Jablanica za upućivanje prijedloga Vladi FBiH za donošenje odluke kojom će općina Jablanica biti izuzeta od primjene zakonskih odredbi koje zabranjuju rad trgovina nedjeljom.

### II

Zadužuje se predsjedavajući OV-a da skladu sa članom 18. stav 10. Zakona o unutrašnjoj trgovini FBiH (“Sl. novine FBiH”, broj: 87/24) uputi prijedlog Vladi FBiH za donošenje Odluke kojom bi prodajni objekti na teritoriji općine Jablanica bili izuzeti od zakonskih odredbi koji definišu zabranu rada nedjeljom.

### III

Ovaj Zaključak stupa na snagu danom donošenja, a objavit će se u «Službenom glasniku Općine Jablanica».

Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE

Broj: 02-02-723-9/25-6.  
Jablanica, 14.03.2025.g.

PREDSJEDAVAJUĆI OV-a  
mr.sc.Edin Idrizović s.r.

\*\*\*

Na osnovu člana 29. Zakona o zaštiti i spašavanju ljudi i materijalnih dobara od prirodnih i drugih nesreća (“Službene novine Federacije BiH”, broj: 39/03, 22/06 i 43/10), člana 31. Uredbe o jedinstvenoj metodologiji za procjenu šteta od prirodnih i drugih nesreća (“Službene novine Federacije BiH”, broj: 75/04, 38/06, 52/09, 56/09 i 36/14) i člana 18. Statuta Općine Jablanica („Službeni glasnik Općine Jablanica“, broj 2/09, 8/16 i 2/20), Općinsko vijeće na Vanrednoj sjednici održanoj dana 03.03.2025. godine, donijelo je

**ZAKLJUČAK****I**

Općinsko vijeće Jablanica usvaja Izvještaj Komisije za procjenu štete od prirodnih i drugih nesreća Općine Jablanica, nastale uslijed prirodne nesreće na području općine Jablanica izazvane velikim kišnim padavinama koje su zahvatile područje općine Jablanica, te uzrokovale gubitak ljudskih života i prčinile veliku materijalnu štetu na stambenim objektima, putnoj infrastrukturi, biljnom i životinjskom svijetu u periodu 03.10. do 04.10.2024. godine.

**II**

Ukupna šteta za područje općine Jablanica iznosi 123.865.527,52 KM (stotinudvadesettrimilionaosamstotinašesdesetpethiljadapetstotinadvadesetsedam i 52/100 KM).

**III**

Sastavni dio ovog Zaključka je Izvještaj Komisije o procjeni štete od prirodnih i drugih nesreća, nastale uslijed prirodne nesreće na području općine Jablanica izazvane velikim kišnim padavinama koje su zahvatile područje općine Jablanica, te uzrokovale gubitak ljudskih života i prčinile veliku materijalnu štetu na stambenim objektima, putnoj infrastrukturi, biljnom i životinjskom svijetu u periodu 03.10. do 04.10.2024. godine.

**IV**

Zadužuje se Općinski načelnik da u skladu sa Odlukom o postupku i kriterijima za dodjelu jednokratne novčane pomoći općinama i kantonima za otklanjanje šteta nastalih od prirodnih i drugih nesreća („Službene novine Federacije BiH“ broj: 60/06, 8/10 i 21/14), podnese zahtijev za dodjelu jednokratne pomoći za otklanjanje (saniranje) nastalih posljedica.

**V**

Ovaj Zaključak stupa na snagu danom donošenja, a objaviće se u “Službenom glasniku Općine Jablanica”.

Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj: 02-02-682-1/25-V.S.  
Jablanica, 03.03.2025.g.

PREDSJEDAVALAČI OV-a  
mr.sc.Edin Idrizović s.r.

\*\*\*

Na osnovu člana 18. Statuta općine Jablanica («Službeni glasnik općine Jablanica», broj: 2/09, 8/16 i 2/20) i člana 14. Odluke o osnivanju javne ustanove Dom za stara i iznemogla lica Jablanica (“Sl. glasnik općine Jablanica” broj: 3/05, 2/06 i 5/16) Općinsko vijeće na Vanrednoj sjednici održanoj dana 03.03.2025. godine, d o n i j e l o j e

**ZAKLJUČAK**

**o davanju prethodne saglasnosti na privremeno imenovanje predsjednika i članova Upravnog odbora JU “Dom za stara i iznemogla lica” Jablanica**

**I**

Daje se prethodna saglasnost na privremeno imenovanje predsjednika i članova Upravnog odbora JU “Dom za stara i iznemogla lica Jablanica” kako slijedi:

1. Ilvana Hindić - predsjednik Upravnog odbora - predstavnik osnivača,
2. Šaćir Buturović - član Upravnog odbora - predstavnik osnivača,
3. Suzana Maksumić - član Upravnog odbora - predstavnik osnivača,





## 4. Edin Širić - član Upravnog odbora - predstavnik zaposlenika.

## II

Ovaj Zaključak sastavni je dio Rješenja o privremenom imenovanju predsjednika i članova Upravnog odbora JU "Dom za stara i iznemogla lica" Jablanica broj: 01-04-702/25 od 03.03.2025. godine.

## III

Ovaj Zaključak stupa na snagu danom donošenja, a objavit će se u "Službenom glasniku Općine Jablanica".

Federacija Bosne i Hercegovine  
Hercegovačko-neretvanski kanton

OPĆINA JABLANICA  
OPĆINSKO VIJEĆE

Broj: 02-02-682-2/25-V.S.  
Jablanica, 03.03.2025.g.

PREDSJEDAVALAČI OV-a  
mr.sc.Edin Idrizović s.r.

\*\*\*

Na osnovu člana 52. Zakona o socijalnoj zaštiti («Službene novine HNK», broj 3/05), člana 25. stav 3. Zakona o javnim ustanovama («Sl.list RBiH» broj: 6/92, 8/93 i 13/94), a u skladu sa članom 4. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije BiH», broj: 12/03, 34/03 i 65/13), člana 41. Statuta općine Jablanica («Službeni glasnik općine Jablanica», broj: 2/09, 8/16 i 2/20), člana 14. Odluke o osnivanju javne ustanove Dom za stara i iznemogla lica Jablanica (Sl. glasnik općine Jablanica broj 3/05, 2/06 i 5/16) i člana 6. stav (2) Odluke o utvrđivanju standarda i kriterija za imenovanja na upražnjene pozicije u reguliranim organima Općine Jablanica («Službeni glasnik Općine Jablanica», broj: 7/22), uz prethodnu saglasnost Općinskog vijeća, Općinski načelnik d o n i o j e

**R J E Š E N J E****o privremenom imenovanju predsjednika i članova  
Upravnog odbora JU „Dom za stara i iznemogla lica” Jablanica**

## Član 1.

U Upravni odbor JU „Dom za stara i iznemogla lica” Jablanica privremeno se imenuju:

1. Ilvana Hindić - predsjednik Upravnog odbora - predstavnik osnivača,
2. Šaćir Buturović - član Upravnog odbora - predstavnik osnivača,
3. Suzana Maksumić - član Upravnog odbora - predstavnik osnivača,
4. Edin Širić - član Upravnog odbora - predstavnik zaposlenika.

## Član 2.

Članovi Upravnog odbora iz prethodnog člana imenuju se na period do konačnog imenovanja članova Upravnog odbora JU „Dom za stara i iznemogla lica“ Jablanica a najviše do tri (3) mjeseca, računajući od dana donošenja ovog Rješenja.

## Član 3.

Upravni odbor iz člana I Rješenja: donosi Pravila Doma, Pravilnik o unutrašnjoj organizaciji i sistematizaciji poslova i radnih zadataka i druge opće akte uz saglasnost Ministarstva; imenuje i razrješava direktora Doma uz saglasnost Općinskog načelnika u ime osnivača; utvrđuje planove rada i razvoja Doma; utvrđuje godišnje programe rada; donosi finansijski plan i usvaja godišnji obračun; usmjerava, kontroliše i ocjenjuje rad direktora Doma; rješava sva pitanja vezana za odnose sa osnivačem; odgovara osnivaču za rezultate rada Doma i podnosi osnivaču najmanje jednom godišnje izvještaj o poslovanju Doma; odlučuje o zasnivanju i prestanku radnog odnosa stručnih radnika i radnika Doma; vrši i druge poslove u skladu sa zakonom i Pravilima Doma.



Nadležnost i način rada Upravnog odbora bliže je uređeno Pravilima Doma i Poslovníkom o radu Upravnog odbora.

Upravni odbor je dužan postupati u skladu sa zakonom i u okviru datih ovlaštenja.

#### Član 4.

Sastavni dio ovog Rješenja čini Zaključak Općinskog vijeća broj: 02-02-682-2/25- V.S. od 03.03.2025. godine, kojim je data prethodna saglasnost na imenovanje iz tačke I ovog Rješenja.

#### Član 5.

Imenovanje na period do tri (3) mjeseca se vrši izuzetno radi potrebe nesmetanog funkcionisanja JU „Dom za stara i iznemogla lica“ Jablanica.

#### Član 6.

Ovo Rješenje stupa na snagu danom donošenja i objaviće se u «Službenom glasniku Općine Jablanica».

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKI NAČELNIK  
Broj: 01-04-702/25  
Jablanica, 03.03.2025. godine

OPĆINSKI NAČELNIK  
Emir Muratović s.r.

\*\*\*

Na osnovu člana 10. Zakona o udruženjima i fondacijama Federacije BiH («Službene novine FBiH» broj: 45/02) i člana 41. Statuta Općine Jablanica («Službeni glasnik Općine Jablanica» broj: 2/09, 8/16 i 2/20), na zahtjev Imamović Amine, Općinski načelnik, *d o n o s i*

### ODLUKU

#### I

Daje se odobrenje, da se naziv Općine Jablanica može unijeti u naziv omladinskog udruženja „**4. Oktobar Jablanica**“, koje je u postupku registracije kod nadležnog ministarstva.

#### II

Ova Odluka stupa na snagu danom donošenja i objavit će se u «Službenom glasniku Općine Jablanica».

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKI NAČELNIK  
Broj: 01-45-609/25  
Jablanica, 10.03.2025. godine

OPĆINSKI NAČELNIK  
Emir Muratović s.r.

\*\*\*

Na osnovu člana 8. Zakona o principima lokalne samouprave u Federaciji BiH («Službene novine Federacije BiH»: broj: 49/06 i 51/09), člana 62. Zakona o organizaciji organa uprave u Federaciji BiH („Službene novine Federacije BiH“, broj: 35/05), člana 34. Zakona o radu („Službene novine Federacije BiH“, broj: 26/16, 89/18, 23/20 i 44/22) i člana 41. Statuta Općine Jablanica («Službeni glasnik Općine Jablanica», broj: 2/09, 8/16 i 2/20), Općinski načelnik *d o n o s i*



## Program

### **prijema lica sa VSS (VII stepen stručne spreme) bez radnog iskustva na stručno osposobljavanje bez zasnivanja radnog odnosa (volonterski rad) u organu uprave općine Jablanica**

#### **OSNOVNE ODREDBE**

U pravcu kreiranja politike u oblasti rada u 2025. godini Općinski načelnik je, na osnovu uočenih problema i potreba za zapošljavanjem mladih nezaposlenih osoba sa završenom VSS, donio Program prijema lica sa VSS (VII stepen stručne spreme odnosno I i II ciklus visokog obrazovanja Bolonjskog sistema studiranja), bez radnog iskustva, na stručno osposobljavanje bez zasnivanja radnog odnosa (volonterski rad) u općinskom organu uprave Općine Jablanica, kao jednu od mjera u cilju podsticaja zapošljavanja na području općine Jablanica.

Da bi navedena lica zasnovala radni odnos kod poslodavca (javna administracija ili privredna društva) u praksi se kao eliminatoran uslov pojavljuje radno iskustvo.

Činjenica je da osobe sa VSS u znatnom procentu čine mladi ljudi koji su tek završili visoko obrazovanje, a nemaju potrebno radno iskustvo, koje je preduslov za zasnivanje radnog odnosa.

Imajući na umu da i Evropska strategija za zapošljavanje zahtjeva da se svakoj mladoj nezaposlenoj osobi ponudi novi početak u obliku obuke, radne prakse, posla ili druge mjere za osposobljavanje, potrebe, ciljevi i koristi, prema kojima je usmjeren ovaj Program su lako uočljivi i višestruki pri čemu je način djelovanja prilagođen realnim mogućnostima Općine Jablanica.

#### **CILJEVI PROGRAMA**

- Pružanje mogućnosti sticanja prvog radnog iskustva i postizanje samostalnosti u zvanjima
- Omogućavanje konkurentnosti na tržištu rada
- Pružanje šanse da svojim radnim angažovanjem pokažu kvalitet u radu, koji će zainteresovati i druge poslodavce za uspostavu radnog odnosa sa njima.

#### **OSTVARIVANJE PROGRAMA**

Program se ostvaruje u periodu od 12 mjeseci putem volonterskog rada za osobe sa VSS bez radnog iskustva (volonterski rad), na osnovu zaključenih ugovora pri čemu troškove koji proizilaze iz volonterskog rada snosi Općina Jablanica iz sredstava Budžeta općine za 2025. godinu, odnosno iz sredstava naredne budžetske godine, ako volonteri budu obavljali rad u narednoj godini, a po programu iz 2025. godine.

Raspored i prijem volontera u općinske Službe vrši se na osnovu Odluke o uslovima i načinu prijema volontera VII stepena stručne spreme odnosno I i II ciklusa visokog obrazovanja Bolonjskog sistema studiranja u općinske organe uprave Općine Jablanica, koju donosi Općinski načelnik, utvrđene analize nadležnih općinskih službi i provedenog postupka prijema volontera.

#### **TROŠKOVI REALIZACIJE PROGRAMA**

Sredstva za realizaciju ovog Programa se obezbjeđuju u Budžetu općine Jablanica za 2025. odnosno 2026. godinu.

U skladu sa članom 26. Zakona o plaćama i naknadama u organima vlasti Federacije BiH („Službene novine Federacije BiH“, broj: 45/2010, 111/2012, 20/2017 i 22/2019 – odluka Ustavnog Suda)) i članom 7. stav 1. tačka 1) Odluke o utvrđivanju platnih razreda i koeficijenata za plaće i način ostvarivanja prava na naknade državnih službenika i namještenika u Službama za upravu i drugim Službama u Općini Jablanica (“Službeni glasnik Općine Jablanica”, broj: 1/11, 1/13 i 8/24), volonteri visoke stručne spreme u organu državne službe imaju pravo na naknadu u iznosu od 35% od osnovne plaće stručnog saradnika.

#### **RIZICI PRILIKOM REALIZACIJE PROGRAMA**

Rizici prilikom realizacije Programa i sredstava su najvećim dijelom usmjereni na zainteresovanost mladih osoba iz ciljne grupe, jer je realno očekivati da će se prijaviti veći broj kandidata iz ciljne grupe koji žele obavljati volonterski rad, što u konačnom, u odnosu na Program, znači da postoji realna mogućnost da će broj zainteresovanih kandidata biti veći od broja volontera za koja su planirana sredstva za ovu namjenu, a po ukazanoj potrebi Općine Jablanica kao državnog organa.

**ZAVRŠNE ODREDBE**

Ukoliko u Programom predviđenom periodu ne bude realizovan Program u potpunosti, Program se produžava do njegove realizacije u smislu utroška sredstava prema načinu utvrđenom Programom.

U slučaju promjene troškova čiji razlog može biti promjena zakonskih propisa koji su osnov utvrđivanja troškova, Program se može mijenjati, povećavati ili smanjivati.

Program se donosi svake godine u skladu sa planiranim sredstvima u Budžetu Općine Jablanica.

Za provođenje ovog Programa zadužuje se Općinski načelnik i nadležna Općinska služba.

Ovaj Program stupa na snagu danom donošenja i objavit će se u Službenom glasniku općine Jablanica.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKI NAČELNIK  
Broj: 01-30-683/25  
Jablanica, 03.03..2025. godine

OPĆINSKI NAČELNIK  
Emir Muratović s.r.

\*\*\*

Na osnovu člana 62. Zakona o organizaciji organa uprave u Federaciji BiH („Službene novine Federacije BiH“, broj: 35/05), člana 34. Zakona o radu („Službene novine Federacije BiH“, broj: 26/16, 89/18, 23/20 i 44/22), člana 41. Statuta Općine Jablanica („Službeni glasnik Općine Jablanica“, broj: 2/09, 8/16 i 2/20), člana 56. Pravilnika o unutrašnjoj organizaciji općinskih službi za upravu i drugih službi u Općini Jablanica („Službeni glasnik Općine Jablanica“, broj: 8/20, 10/20 i 3/23) i Programa prijema lica sa VSS (VII stepen stručne spreme) bez radnog iskustva na stručno osposobljavanje bez zasnivanja radnog odnosa (volonterski rad) u organu uprave općine Jablanica, Općinski načelnik, d o n o s i

**ODLUKU**

**o uslovima i načinu prijema lica sa VSS (VII stepen stručne spreme odnosno I i II ciklus visokog obrazovanja Bolonjskog sistema studiranja) bez radnog iskustva na stručno osposobljavanje bez zasnivanja radnog odnosa (volonterski rad) u općinskom organu uprave Općine Jablanica**

**I OPĆE ODREDBE****I**

Ovom Odlukom utvrđuju se uslovi i način prijema volontera VSS (VII stepen stručne spreme odnosno I i II ciklus visokog obrazovanja Bolonjskog sistema studiranja) bez radnog iskustva na stručno osposobljavanje (volonterski rad) nakon završenog obrazovanja u općinski organ uprave Općine Jablanica, bez zasnivanja radnog odnosa, kao i broj lica visoke stručne spreme, uz finansiranje iz sredstava Budžeta općine Jablanica za 2025. godinu, odnosno iz sredstava naredne budžetske godine, ako volonteri budu obavljali rad u narednoj godini, a po programu iz 2025. godine.

**II METODOLOGIJA PRIJEMA VOLONTERA****II**

Prijem volontera na stručno osposobljavanje bez zasnivanja radnog odnosa vrši se putem objavljivanja Javnog oglasa od strane Općinskog načelnika.

**III**

Ciljna grupa obuhvaća nezaposlene osobe sa visokom stručnom spremom koje nemaju radno iskustvo ni radni staž nakon stjecanja visokog stručnog obrazovanja, a koje se nalaze na evidenciji Službe za zapošljavanje Jablanica.

**IV**

Ugovor o volonterskom radu se zaključuje u pismenoj formi i traje godinu dana.

**V**

Sredstva za realizaciju ovog Programa se obezbjeđuju u Budžetu Općine Jablanica za 2025. godinu odnosno 2026. godinu.

U skladu sa članom 26. Zakona o plaćama i naknadama u organima vlasti Federacije BiH („Službene novine Federacije BiH“, broj : 45/10, 111/12 i 20/17) i članom 7. stav 1. tačka 1) Odluke o utvrđivanju platnih razreda i koeficijenata za plaće i način ostvarivanja prava na naknade državnih službenika i namještenika u Službama za upravu i drugim Službama u Općini Jablanica (“Službeni glasnik Općine Jablanica”, broj: 1/11, 1/13 i 8/24), volonteri visoke stručne spreme u organu državne službe imaju pravo na naknadu u iznosu od 35% od osnovne plaće stručnog saradnika.

**a) Postupak odabira i prijema****VI**

Na objavljeni Javni oglas iz člana II ove Odluke mogu aplicirati lica sa VSS - VII stepen stručne spreme odnosno I i II ciklus visokog obrazovanja Bolonjskog sistema studiranja struke, koje se traže Javnim oglasom, a putem obrazaca za prijavu koji se preuzimaju u Šalter sali općine Jablanica.

Popunjeni obrasci za prijavu i potrebna dokumentacija se dostavljaju putem pošte ili lično na protokol u Šalter sali općine Jablanica u roku od 8 dana od dana objavljivanja Javnog oglasa.

**VII**

Odabir kandidata vrši se putem intervjua, provjerom stručnog znanja koji će obaviti Komisija imenovana od strane Općinskog načelnika, koristeći Uputstvo o bodovanju.

**VIII**

Prijem volontera u općinske Službe određuje se za sljedeće pozicije:

1. Volonter, ekonomske struke .....2 izvršioca
2. Volonter, pravne ili upravne struke .....1 izvršilac
3. Volonter, građevinske struke..... 1 izvršilac
4. Volonter, kriminalistike, kriminologije i sigurnosnih studija .....1 izvršilac

**IX**

Općinske Službe dužne su omogućiti da se stručno osposobljavanje volontera vrši kroz praktični rad i učenje, uz stručnu pomoć i pod stručnim nadzorom nadređenih lica, ovisno o vrsti školske spreme u skladu sa Programom prijema lica sa VSS (VII stepen stručne spreme) bez radnog iskustva na stručno osposobljavanje bez zasnivanja radnog odnosa (volonterski rad) u organu uprave općine Jablanica.

**X**

Općinski načelnik će formirati Komisiju za prijem volontera koja će pregledati prijave kandidata, sačiniti listu kandidata koji ispunjavaju uslove, bodovati kandidate, obaviti intervju sa kandidatima, te predložiti Rang listu i istu dostaviti Općinskom načelniku na dalje postupanje.

Za provođenje ove Odluke zadužuje se Općinski načelnik i nadležna Općinska služba, uz obavezu izrade prijavnog obrasca, uputstva o bodovanju i drugih obrazaca koji bi bili korišteni prilikom provođenja Javnog oglasa.

**XI**

Ova Odluka stupa na snagu danom donošenja i objavit će se u Službenom glasniku općine Jablanica.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKI NAČELNIK  
Broj: 01-30-683-1/25  
Jablanica, 03.03..2025. godine

OPĆINSKI NAČELNIK  
Emir Muratović s.r.



\*\*\*

Na osnovu člana 25. stav (3) Zakona o javnim ustanovama („Sl.list RBiH” broj: 6/92, 8/93 i 13/94), člana 4. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije BiH»), broj:12/03, 34/03 i 65/13), člana 41. Statuta općine Jablanica («Službeni glasnik općine Jablanica», broj: 2/09, 8/16 i 2/20), člana 104a. Zakona o osnovnom odgoju i obrazovanju („Službene novine HNK“, broj : 5/00, 4/04, 5/04, 1/14 i 7/16), člana 13. Odluke o preuzimanju i daljem obavljanju osnivačkih, vlasničkih i drugih prava nad Javnom ustanovom Osnovna škola „Suljo Čilić“ Jablanica (Sl. glasnik općine Jablanica, broj: 2/03, 7/04 i 2/06) i člana 2. i 4. stav (2) Odluke o postupku i kriterijima za imenovanja na pozicije u reguliranim organima Općine Jablanica («Službeni glasnik općine Jablanica», broj: 4/15), Općinski načelnik, d o n i o j e

**R J E Š E N J E**  
**o privremenom imenovanju predsjednika**  
**Školskog odbora Javne ustanove Osnovna škola „Suljo Čilić“ Jablanica**

I

Nermin Kovačević, privremeno se imenuje za predsjednika Školskog odbora Javne ustanove Osnovna škola „Suljo Čilić“ Jablanica - predstavnik osnivača.

II

Imenovanje iz tačke 1. ovog rješenja vrši se na period do tri (3) mjeseca računajući od 03.03.2025. godine, odnosno do imenovanja predsjednika Školskog odbora u svojstvu predstavnika osnivača u redovnoj proceduri.

II

Imenovanje na period do tri (3) mjeseca se vrši izuzetno radi potrebe nesmetanog funkcionisanja JU Osnovna škola „Suljo Čilić“ Jablanica.

IV

Ovo Rješenje stupa na snagu danom donošenja i objaviće se u «Službenom glasniku Općine Jablanica».

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKI NAČELNIK  
Broj: 01-04-445-2/25  
Jablanica, 28.02.2025. godine

OPĆINSKI NAČELNIK  
Emir Muratović s.r.

\*\*\*

Na osnovu člana 25. stav (3) Zakona o javnim ustanovama („Sl.list RBiH” broj: 6/92, 8/93 i 13/94), člana 4. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije BiH»), broj:12/03, 34/03 i 65/13), člana 41. Statuta općine Jablanica («Službeni glasnik općine Jablanica», broj: 2/09, 8/16 i 2/20), člana 44. Zakona o predškolskom odgoju („Službene novine Hercegovačko-neretvanskog kantona“, broj: 5/2000), člana 14. Odluke o preuzimanju i daljem obavljanju osnivačkih i vlasničkih prava nad JU Dječije obdanište „Pčelica“ Jablanica («Službeni glasnik Općine Jablanica», broj: 2/07 i 7/16) i člana 2. i 4. stav (2) Odluke o postupku i kriterijima za imenovanja na pozicije u reguliranim organima Općine Jablanica («Službeni glasnik općine Jablanica», broj: 4/15), Općinski načelnik, d o n i o j e

**R J E Š E N J E**  
**o privremenom imenovanju predsjednika**  
**Upravnog odbora JU Dječije obdanište «Pčelica» Jablanica**

**I**

Dženana Delalić, privremeno se imenuje za predsjednika Upravnog odbora JU Dječije obdanište «Pčelica» Jablanica - predstavnik osnivača.

**II**

Imenovanje iz tačke 1. ovog rješenja vrši se na period do tri (3) mjeseca računajući od 03.03.2025. godine, odnosno do imenovanja predsjednika Upravnog odbora u svojstvu predstavnika osnivača u redovnoj proceduri.

**II**

Imenovanje na period do tri (3) mjeseca se vrši izuzetno radi potrebe nesmetanog funkcionisanja JU Dječije obdanište «Pčelica» Jablanica.

**IV**

Ovo Rješenje stupa na snagu danom donošenja i objaviće se u «Službenom glasniku Općine Jablanica».

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKI NAČELNIK  
Broj: 01-04-445-1/25  
Jablanica, 28.02.2025. godine

OPĆINSKI NAČELNIK  
Emir Muratović s.r.

\*\*\*

Na osnovu člana 60. Zakona o budžetima u FBiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 15. Zakona o načelima lokalne samouprave u FBiH („Službene novine FBiH“, broj: 49/06 i 51/09), člana 41. Statuta Općine Jablanica („Službeni glasnik Općine Jablanica“, broj: 2/09, 8/16 i 2/20), i člana 17. Odluke o izvršenju Budžeta općine Jablanica za 2025. godinu („Službeni glasnik općine Jablanica broj: 13/24), a po prijedlogu nadležne službe, Općinski načelnik ***d o n o s i***

**ZAKLJUČAK****I**

Odobrava se izdvajanje sredstava iz Tekuće rezerve Budžeta Općine Jablanica za 2025. godinu u iznosu od 1.000,00 KM.

Sredstva se odobravaju JU Osnovna škola „Suljo Čilić“ Jablanica na ime pomoći za učešće učenika škole na manifestaciji u povodu obilježavanja Dana nezavisnosti BiH koje se održava u Mostaru.

**II**

Sredstva iz stava I ovog Zaključka izdvajaju se sa konta 999999 – Tekuća rezerva i alociraju na konto 614311 – Tekući transfer neprofitnim organizacijama.

**III**

JU Osnovna škola „Suljo Čilić“ Jablanica je dužna dostaviti izvještaj o utrošku sredstava, najkasnije do kraja kalendarske godine.

**IV**

Za realizaciju ovog zaključka zadužuje se Služba za lokalni ekonomski razvoj i investicije, finansije i trezor.



V

Ovaj Zaključak stupa na snagu danom donošenja i objavit će se u „Službenom glasniku općine Jablanica“.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKI NAČELNIK  
Broj: 01-11-590-1/25  
Jablanica, 20.02.2025. godine

OPĆINSKI NAČELNIK  
Emir Muratović s.r.